

11 იანვარს სენაკში ავადყოფილის შევლა ისრაელში გაკლინდა გაყოფილი სახელმწიფო მოღვაწე არიელ შარონი



ისრაელის პრეზიდენტს ბ-ნ შიმონ პერესს

თქვენო აღმატებულებავ, ღრმად დამამწუხრა ცნობამ არიელ შარონის გარდაცვალების შესახებ. ებრაელმა ხალხმა დაკარგა თავისი უდიდესი შვილი. არიელ შარონმა — თვალსაჩინო და მონუმენტურმა ფიგურამ, განსაკუთრებული წვლილი შეიტანა ისრაელის სახელმწიფოს შენებაში, მისი უსაფრთხოებისა და დემოკრატიის გაძლიერებაში, რითაც სამართლიანად მოიპოვა ხალხის სიყვარული.

მწუხარების ჟამს, ჩვენ ვიზიარებთ ებრაელი ხალხის ტკივილს და თანადგომას ვუცხადებთ მას. გთხოვთ, გადასცეთ საქართველოს მოქალაქეთა და პირადად ჩემი გულწრფელი სამძიმარი არიელ შარონის ოჯახის წევრებსა და მთლიანად ისრაელის მოსახლეობას“.

საქართველოს პრეზიდენტი ბიორგი მარგველაშვილი

ღრმა მწუხარებას გამოვთქვამ ისრაელის ყოფილი პრემიერ-მინისტრის არიელ შარონის გარდაცვალების გამო. არიელ შარონი ისრაელის გამორჩეული ლიდერი იყო. მან მნიშვნელოვანი როლი შეასრულა ისრაელის უახლეს ისტორიაში. გულითადად ვუსამძიმრებ ჩვენს მოძმე ხალხს ამ დიდ დანაკლისს.

საქართველოს პრემიერ-მინისტრი ირაკლი ლარიაშვილი

ღრმა მწუხარებას გამოვთქვამ ისრაელის ყოფილი პრემიერ-მინისტრის არიელ შარონის გარდაცვალების გამო. იგი გამორჩეული ლიდერი იყო ისრაელის ისტორიაში. მას დიდი წვლილი მიუძღვის ქვეყნის უსაფრთხოებისა და დემოკრატიის გაძლიერებაში.

ვიზიარებ ჩვენი მოძმე ხალხის ტკივილს და თანადგომას ვუცხადებ არიელ შარონის ოჯახის წევრებს, ჩემს კოლეგას მოშე იალონს და ისრაელის მოსახლეობას.

ირაკლი ალასანიასაქართველოს თავდაცვის მინისტრი

თბილისსა და იერუსალიმში ნიშნულად „სახეობა და სიტუაცია“

ისრაელის პრემიერ-მინისტრის დელეგაციის საქართველოს ხელისუფლება აეროპორტში აცილებს. საპატიო ყარაული უკვე ჩამწკრივდა, მთავრობის წევრებიც ერთ რიგში დგანან ბინიამინ ნეთანიაჰუსა და მისი დელეგაციის წევრებს უნდა დაემშვიდობონ. მე საგარეო საქმეთა მინისტრთან არიელ შარონთან საუბარი დავამთავრე. ბატონმა მინისტრმა რამდენიმე ნაბიჯი გადადგა და ისრაელის მთავრობის წევრებს შორის ჩადგა. საქართველოს პრეზიდენტი სადაცაა მოუახლოვდება, რომ ხელი ჩამოართვას და დაემშვიდობოს. მე განზე გავდექი — ხელი არ შევუშალო-მეთქი. მშვიდადა ვარ — არიელ შარონთან საუბარი უკვე დიქტაფონშია. გავცალე. ორიოდ წუთში მობრუნდა, მივხვდი, მე დამეძებდა, დამინახა, მიმიხმო და მეუბნება:

— ჩაინერეთ, ნათქვამს უნდა დავეუმალო: მიუხედავად იმისა, რომ ებრაელები 2600 წლის განმავლობაში საქართველოში ასე ნორმალურად ცხოვრობდნენ, მე ყოველ ებრაელს მოვუწოდებ, დაუბრუნდნენ ისტორიულ სამშობლოს. ერეც ისრაელში ველოდები მათ.

ეს სიტყვები ცხადად ახასიათებს არიელ შარონს. ზუსტად ხედავ, თუ ვინ არის, რა მისწრაფებების პიროვნებაა, რა ღირებულებები გაუხდია უმთავრესად ცხოვრებაში — სიონიზმი, სამშობლო, ებრაელთა უსაფრთხოება.

იერუსალიმში, ქნესეთში მის კაბინეტში ვსხდევართ. ახლა მთავრობაში აღარ არის — ოპოზიციის ლიდერია. ვსაუბრობთ ფილმზე, რომლის გადაღებასაც საქართველოში ვაპირებთ. ბლოკნოტში, ვინერ მისი ცხოვრების ეპიზოდებს — ძალიან უშუალოა, ცხოვრების ავ-კარგი ღრმად ჩახედული, ქართველ ებრაელებს კარგად იცნობს.

რეკავს ლილი — მისი მეუღლე. უკვე ვიცი, რომ მეუღლეს უკურნებელი სენი შეყრია. ეკითხება რამდენ ხანში დაბრუნდებიო. შარონი პასუხობს არ ვიცი, შეიძლება დავიგვიანო.

საუბარს განვაგრძობთ. ახლა შვილის ტრაგედიაზე მესაუბრება. ძალიან მტკივნეული ამბავია. მერე — მეორე ინტიფადაზე, ტერორისტ იასირ არაფატზე, რომელიც ებრაელთა სისხლს ღვრის. დრო უცებ გარბის. ისევ რეკავს მეუღლე — ლილი. ავადმყოფი მეუღლე ელოდება. თავს უხერხულად ვგრძნობ. ვთხოვ მომავალ კვირაში ისევ შევხვდეთ, თუ გნებავთ, თქვენს რანჩოში ჩამოვალ-მეთქი. შეხვედრა დავთქვით.

— ფული? ფული თუ გაქვთ? — თითქმის გამოვდიოდი, ეს რომ მკითხა.

ჯერჯერობით ფილმის გადაღების სურვილი გვაქვს, მეტი არაფერი, მაგრამ ეს რომ ვუთხრა, ერთობ არასერიოზულ შთაბეჭდილებას დავტოვებ. თუ ჯერ სურვილის მეტი არაფერი გაქვთ, ჩემთან რად მოდიოდით — მთელი საათია ვსაუბრობთ. ბევრი დრო დავაკარგვინე. არა, ამის თქმა არ შეიძლება!

ყოყმანი შემატყუო.

— კარგი, სცენარი დაწერეთ, გამოვიგზავნეთ, მე დაგაფინანსებთ. თბილისში დავბრუნდი და მერაბ კოკოჩაშვილს ვახარე, ფილმის გადასაღები ფული უკვე გვაქვს. თავად არიელ შარონი დაგვიფინანსებს მისი თბილისური ძირებისადმი მიძღვნილ ფილმს-მეთქი.

კიდევ გადის დრო. ისრაელში გადაღების ბოლო დღეა და ახლა მის ოჯახში ვხვდებით ერთმანეთს. აქ, მისი რანჩოს პირველ სართულზე, ბევრი ნივთი, საგანი იქცევა ყურადღებას. ზოგი სიძველით, ზოგი ძვირფასი ნარმომავლობით, ზოგიც ნახელავობით, მაგრამ არიელ შარონისათვის ყველაზე ძვირფასი განძი თანამებრძოლთა ფოტოებია. სწორედ ამათზე მიმითითებს. ერთ-ერთ ფოტოს დიდხანს შესცქერის და ამბობს:

— აღარცერთი ცოცხალი აღარ არის — და ბიჭების სურათს ალერსით უსვამს ხელს. აქ, თავისი რანჩოს წევრებთან ერთობ უშუალოა. ეს არის ნამდვილი არიელ შარონი — ჯარისკაცული სულისკვეთების ერთგული გენერალი, რომლისთვისაც უმთავრესი თანამებრძოლთა სსოვნაა.

მოგვიანებით, ოჯახურ ყოფას რომ იგონებს, გვიამბობს: — კემ-დევიდის შეთანხმების წინ ქაიროსთან დიდი მოლაპარაკება გვქონდა.



მარჯვნიდან მარცხნივ: მერაბ კოკოჩაშვილი, ლევა შვანია, არიელ შარონი და გურამ ბათიაშვილი

მენახემ ბეგინმა ეს მისია მე დამაკისრა, ამიტომ ქაიროში ხშირად ჩავდიოდი — პრეზიდენტ ანუარ სადათთან საიდუმლო მოლაპარაკებებზე. ამ დროს დედაჩემი ავადმყოფობდა. მისი მდგომარეობის გასაგებად ყოველ საღამოს ვრეკავდი ისრაელში, დედა ყოველი დარეკვისას მეუბნებოდა: „ფრთხილად იყავი, შვილო, ხომ იცი, ეგრე იოლადა არ უნდა ენდო, რამდენჯერ მოვუტყუებია“.

— ახლა თუ ენდობით? — ვეკითხები არიელ შარონს. შარონმა შემომხედა, ფიქრითურულმა მზერა დახარა, ერთხანს გარინდებული იჯდა. მერე ამოიხრა.

რა ჰქნას, სწადია, ძლიერ სწადია ენდობოდე, კეთილი მეზობლობა ჰქონდეს, მაგრამ... არაო, აქედან უნდა აგყაროთო.

კიდევ გადის დრო. იერუსალიმში, საქართველოს ებრაელთა მსოფლიო კონგრესის პრეზენტაციაზე პრემიერ-მინისტრი არიელ შარონი გვეწვია. ჩვენი ფილმის ხუთწუთიანი ნაკვეთი ვაჩვენეთ. „ამ ნაწყვეტმა ცრემლი მომგვარა“ თქვა.

ეს იყო 22 იანვარს, 28 იანვარს საპარლამენტო არჩევნები ჩატარდა, გაიმარჯვა „ლიკუდმა“ თებერვლის პირველ დღეებში პრემიერ-მინისტრის კანცელარიიდან დამირეკეს, შარონს „დაგვიანებული კადიშის“ ნახვა უნდაო. დისკი წავიღე, ერთ პატარა ოთახში დავსხედით: თავად შარონი, თქვენი მონა-მორჩილი და კიდევ ვიღაც კაცი.

ფილმის დამთავრების შემდეგ სახეგაბრწყინებული მომიბრუნდა, ბეჭებზე ხელი მომისვა და მაღლობა მითხრა. ცოტაც ვისაუბრეთ და დავემშვიდობე. კარი გამოვალე თუ არა, შემაჩერა:

— ერთი წუთით, მე თქვენ დაგპირდით, რომ ფილმს დაგვიფინანსებდით, მაგრამ არ მაგონდება, რომ ფული მოგვცით.

— არა, არ მოგიციათ.

— რატომ? — თითქმის კოპები შეიკრა.

— როცა თქვენ ეს დამპირდით, ოპოზიციაში იყავით. მალე თქვენ მთავრობის მეთაური გახდით. თქვენ რომ ეს ფილმი დაგვიფინანსებინათ, ოპოზიცია ერთ ამბავს ასტეხდა. ამიტომ ეს საქმე ბიზნესმენმა კონსტანტინე მირილაშვილმა იდო თავს. ფილმი მან დაგვიფინანსა, ცხადია, თქვენი პატივისცემით არიელ შარონს ისევ გაუბრწყინდა სახე. იმ კაცს მიუბრუნდა:

— ხომ გეუბნებოდი, აი, ასეთები არიან ქართველები. ქართველი ებრაელები. შინ კარგ გუნებაზე ვბრუნდებოდი.

გურამ ბათიაშვილი

ისრაელის ელჩი რაჭაში



19-20 დეკემბერს ისრაელის ელჩი საქართველოში რაჭა-ლეჩხუმს სამუშაო ვიზიტით ესტუმრა. ელჩი რაჭა-ლეჩხუმისა და ქვემო სვანეთის გუბერნატორს პაპუნა მარგველიძესა და ამბროლაურის და ონის წარმომადგენლებს შეხვდა.

ბატონი ფუქსი არასამთავრობო ორგანიზაცია AIC-ს გაეცნო და ხვანჭკარას ღვინის ქარხანა მოინახულა. ვიზიტის მთავარი მიზანი ეკონომიკური განვითარება იყო.

19 დეკემბერს ისრაელის ელჩმა ონის სინაგოგა მოინახულა, რომელიც ამჟამად საქართველოს ყოფილი პრემიერ-მინისტრის, ბიძინა ივანიშვილის თანადგომით რემონტდება.

ელჩი ადგილობრივ ებრაულ თემს ესაუბრა.

სასახლწოდ...

ისრაელის პრეზიდენტმა შიმონ პერესმა 30 დეკემბერს საპრეზიდენტო სასახლეში მოაწყო ისრაელის ქრისტიანული კონფესიის წარმომადგენელთა მიღება. ცერემონიაში მონაწილეობა მიიღო ისრაელის შინაგან საქმეთა მინისტრმა გიდეონ საარმა, იერუსალიმის პატრიარქმა თეოფილე !!! და სხვადასხვა კონფესიათა მეთაურებმა.

პრეზიდენტმა შიმონ პერესმა სტუმრებს განუცხადა, ისრაელი ვერ მოითმენს სასულიერო პირების წინააღმდეგ მიმართულ აგრესიას. იოსრაელი ყოველთვის იყო და კვლავაც ესწრაფვის სინდისისა და რწმენის თავისუფლებას. ჩვენ კვლავაც ვიძლევით იმის გარანტიას, რომ ყველას კვლავაც ექნება წმინდა ადგილებთან მისვლის საშუალება.

მინისტრმა გიდეონ საარმა დაადასტურა, რომ ისრაელის მთავრობა სასტიკად შეებრძოლება არატოლერანტობას, ძალადობას, თავდასხმებს ნებისმიერი რელიგიის მსახურებზე, ან ნებისმიერი რელიგიის მიერ წმინდად მიჩნეულ ადგილებზე.

იერუსალიმის პატრიარქმა თეოფილე III გამოთქვა რწმენა, რომ ისრაელის ხელისუფლება კვლავაც არ დაიშურებს ძალღონეს დაიცვას ეკლესიათა და მის მსახურთა, ასევე მომლოცველთა უშიშროება.



ბარაკ ობამას ქმა ამაყობს იმით, რომ ებრაელია

აშშ პრეზიდენტის — ბარაკ ობამას სისხლისმიერმა ძმამ დედის მხრიდან, რომლის დედა ლიტველი ებრაელი ქალი გახლდათ, ინტერვიუ მისცა ისრაელის გაზეთ „მარივს“. ინტერვიუში მარკ ობამა ნდენსლანდიო საუბრობს უფროს ძმასთან ურთიერთობის თაობაზე. საუბრის დასაწყისშივე მარკ ობამამ აღნიშნა, რომ თავისი ეროვნებით ამაყობს. იგი აღნიშნავს, რომ თავს ებრაელად მიიჩნევს არა მხოლოდ იმიტომ რომ დედიტ ებრაელია, არამედ გრძობს კავშირს ებრაულ ტრადიციებთან, ებრაულ კულტურასთან, ებრაულ ფილოსოფიასთან.



ფურნალიტი შესავალშივე აღნიშნავს, რომ მარკისა და ბარაკ ობამას მამა — ბარაკ ჰუსეინ ობამა — უფროსი 46 წლისა ავტოკატასტროფისას გარდაიცვალა. მას ოთხი ცოლისგან დარჩა 9 შვილი. მარკ ობამამ ბაკალავრის ხარისხი მიიღო სტენდფორდის უნივერსიტეტში, ხოლო ემორიის უნივერსიტეტში — კი ეკონომიკისა და მენეჯმენტის ბაკალავრის ხარისხი. ავტორი იქვე დასძენს, რომ მარკი სხვა და-ძმათაგან განსხვავებით აშშ პრეზიდენტს უხერხულ მდგომარეობაში არ აყენებს.

ძმასთან პირველი შეხვედრის თაობაზე მარკ ობამა ნდენსლანდი ამბობს, რომ მას ძმა მეტისმეტად შავი მოეჩვენა. თვითონ კი ძმისათვის მეტისმეტად თეთრი აღმოჩნდა. და ეს მაშინ, როდესაც ბარაკ ობამა დაიბადა და იზრდებოდა აშშ-ში, ხოლო მარკი — კენიაში და მთელი ცხოვრება თავის „თეთრ ძირებს“ დაეძებდა.

მეოთხე ადგილზე

როგორც საინფორმაციო პორტალი იუწყება, ისრაელი მშვიდობისათვის საშიში ქვეყნებს შორის მეოთხე ადგილზეა. გამოკითხვა ჩატარდა მსოფლიოს 65 ქვეყანაში: მთელ მსოფლიოში მშვიდობისათვის ყველაზე საშიშ ქვეყნად გამოკითხულთა 24% აშშ მიაჩნია, 8% — პაკისტანი — ეს არისო მშვიდობიანობის დამანგრეველი ქვეყანა, 6% ჩინეთს მიიჩნევს მშვიდობიანობის მტრად, ხოლო ერთი ციციქნა ისრაელი ირანთან, ჩრდილოეთ კორეასა და ავღანეთთან ერთად გამოკითხულთა 5% მიაჩნია მშვიდობიანი ცხოვრების მტრად. უფრო ქვემოთა შკალაში — მეხუთე ადგილზე მოექცნენ ინდოეთი, ერაყი და იაპონია. 3% პროცენტს მიაჩნია, რომ საფრთხე მოდის სირიიდან, 2% კი რუსეთს ასახელებს საფრთხის შემცველად. 1% ფიქრობს, რომ მშვიდობიან ყოფას პალესტინის ავტონომია, დიდი ბრიტანეთი, სომალი, საუდის არაბეთი, გერმანია, ავსტრალია და სამხრეთ კორეა ემუქრება.

რეპატრიაციის გრძელდება...

ისრაელის ალიისა და რეპატრიაციის სამინისტრო და ებრაული სააგენტო („სოხნუთი“) იუწყებიან, რომ 2013 წელს ისრაელს ჩავიდა 19 200 რეპატრიანტი. აღნიშნავენ რომ წელს უფრო მეტი რეპატრიანტი ჩავიდა ისრაელში, ვიდრე 2012 წელს — 18 940 ადამიანი.

შარშან ყოფილი საბჭოთა კავშირის ქვეყნებიდან ისრაელში ჩავიდა 7500 ადამიანი. რუსეთიდან, ბელარუსიდან და ბალტიისპირეთის ქვეყნებიდან — 4600, უკრაინიდან და მოლდოვიდან — 2140, სამხრეთ კავკასიის ქვეყნებიდან — 280, ხოლო შუა აზიიდან — 490 ადამიანი.

2013 წელს ისრაელში საფრანგეთიდან ჩასულთა რაოდენობა 63% გაიზარდა და 3120 ადამიანი გახლდათ. ებრაული სააგენტოსა და სამინისტროს თანამშრომლები ამას ხსნიან საფრანგეთის ებრაულ თემებში მუშაობის გააქტიურებით.

ეთიოპიიდან რეპატრიაცია შემცირდა 44% — ჩამოვიდა 1360 ადამიანი. ასეთი მაჩვენებელი დაკავშირებულია იმასთან, რომ დამთავრდა პროგრამა „მტრედის ფრთები“. გასულ წელს 33% გაიზარდა დასავლეთ ევროპიდან რეპატრირებულთა რაოდენობა, საიდანაც ჩამოვიდა 4390 ადამიანი, მაგრამ თუ საფრანგეთიდან რეპატრიაცია გაიზარდა, იგი 27% შემცირდა დიდი ბრიტანეთიდან — სულ ჩამოვიდა 510 ადამიანი.

რეპატრიანტთა უმეტესობა ქალი გახლდათ — 10 ათასამდეა, ხოლო რეპატრიანტთა 60% ახალგაზრდაა — 34 წლამდე ასაკისა. ყველაზე ხშიერი რეპატრიანტი 103 წლისა, ამერიკიდან ჩამოვიდა.

ებრაული სააგენტოს ხელმძღვანელმა ნათან შარანსკიმ აღნიშნა, რომ რეპატრიანტთა უმეტესობა ცხოვრების მაღალი დონის დემოკრატიული ქვეყნებიდან ჩამოვიდა.

მაიკლ რეიგანი:

პალესტინელს მშვიდობა არ უნდათ

აშშ ყოფილი პრეზიდენტის — როლანდ რეიგანის ვაჟმა მაიკლ რეიგანმა ექსკლუზიური ინტერვიუ მისცა ისრაელის ტელევიზიის მეშვიდე არხს.

— მე ვფიქრობ, რომ ამერიკამ ისრაელი ირანთან დაკავშირებით ძალიან უხერხულ სიტუაციაში ჩააყენა — ამბობს რეიგანი — ჩვენ ფიცი დავდეთ, რომ დავიცავდით ისრაელს, მაგრამ ის, რასაც ჩვენ ვაკეთებთ, ეს სულაც არ არის ისრაელის და მისი მოსახლეობის დაცვა მასიური განადგურებისაგან.

ისრაელისა და პალესტინის ადმინისტრაციის მოლაპარაკებასთან დაკავშირებით, რეიგანმა თქვა:

— მე არ მიმაჩნია, რომ პალესტინელებს ნამდვილად სურთ მშვიდობა. არა ვგონებ, რომ მათ ოდესმე სურდათ მშვიდობა. მათ უნდათ დაეუფლონ ისრაელს.

მაიკლ რეიგანი დაეთანხმა იმ მოსაზრებას, რომ ისრაელისადმი აშშ მხარდაჭერა ძალიან ბევრს ნიშნავს:

— თუ აშშ არ განაცხადებს, რომ იგი 100% უჭერს მხარს ისრაელს, ეს შეტაკებები, ბრძოლები არ შეწყდება. მოვიდა მშვიდობის დრო, მაგრამ იმის დროც მოვიდა, პალესტინელებმა მშვიდობა მოინდომონ.

პალესტინელი ისრაელის მოსაოგანს გაგზავნა

პალესტინის ადმინისტრაციის მაღალჩინოსანმა ჩინოვიკმა აბას ზაკუიმ სირიის ტელევიზიასთან საუბარში განაცხადა, რომ ისრაელთან ნებისმიერი შეთანხმება გახლავთ პალესტინის მიერ ისრაელის სახელმწიფოს მოსაოგნისაკენ გადადგმული კიდევ ერთი ნაბიჯი.

— ჩვენ „ხამასთან“ გავერთიანდით 1967 წლის საზღვრებში დაბრუნების საკითხში, მაგრამ ნუ იფიქრებთ, რომ ეს ჩვენი ბოლო მოთხოვნაა. განზრახული გვაქვს სიონისტების მიერ ოკუპირებული მიწები, გავენთავისუფლოთ. ამას იუწყება სააგენტო INN.

მადლობა რუსეთს — ტარორისტებმა რაკეტები მიიღეს

როგორც „უოლ სტრიტ ჟურნალი“ იუწყება, „პიზბალამ“ მიიღო რუსული წარმოების ხომალდ-სანიანალმდეგო რაკეტები „იახონტი“ „პიზბალას“ ხელში ამ რაკეტების არსებობა საფრთხეს უქმნის ისრაელის გემებს. რაკეტები ლიბანში ნაწილ-ნაწილ ჩაიტანეს.

რელიგიის გარი

როგორ ვცხოვრობდით ხუთიათას შვიდას სამოცდაცამეტ წელს

სასაღწლო მიმოხილვა

„მენორას“ მკითხველს მოეხსენება, რომ საქართველოს ებრაელობის ცხოვრება ჩვენი გაზეთის მუდმივი ყურადღების საგანია. თუ საქართველოს ებრაელობის გაზეთმა არ ისაუბრა თემში თავჩენილ პრობლემებზე, არ მიუთითა ნაკლოვანებებზე, არ წარმოაჩინა დადებითი პროცესები, გაზეთი ცხადია, თავის მისიას ვერ შეასრულებს. ამიტომ ებრაული ახალი წლის დადგომის შემდეგ ტრადიციულად ვცდილობთ მიმოვიხილოთ გასული წლის ჩვენი ყოფა, ის, თუ რა იყო ასეთუნი მნიშვნელოვანი საქართველოს ებრაელობის ცხოვრებაში. ამ, დიდი ილიას მიერ დაწესებულ ტრადიციას, როცა „ივერიის“ ფურცლებზე აჯამებდა ხოლმე გასულ წელს, ჩვენ კვლავ და კვლავ მივდევთ.

სამწუხაროდ, დღეს საქართველოს ებრაელობას არ ამშვენებენ მდიდარი ადამიანები, რომლებსაც ძალუძთ თავიანთ თავზე აიღონ თემის ყველა საქართველოში მცხოვრები ებრაელობა ძირითადად წვრილი და საშუალო ბიზნესითაა დაკავებული. ეს კი რასაკვირველია, არ იძლევა იმის საშუალებას, რომ ადამიანებმა სრულყოფილად დაიკმაყოფილონ თავთავიანთი ტრადიციული რელიგიური მისწრაფებები. არის მცირერიცხოვანი ინტელიგენცია, რომლის ეკონომიკური დონე, რასაკვირველია, არ იძლევა სათემო საკითხების გადაჭრის გარანტიას, მაგრამ საბედნიეროდ, საქართველოს გარეთ – იქნება ეს ისრაელი, რუსეთი, აშშ, თუ სხვა ქვეყნები, არიან ქართველი ებრაელები, რომლებმაც დიდ ეკონომიკურ ძლიერებას მიაღწიეს. მათგან ერთი ნაწილის ეროვნულ-რელიგიური სულისკვეთების დასტური კი ისიც გახლავთ, რომ ფლობენ დაგროვილი სწორი გზით ხარჯვის ხელოვნებასაც – თავთავიანთ მონაგარს საქართველოს ებრაელობის სოციალურად დაუცველ ადამიანთა ყოფის გაუმჯობესებას ახმარენ. და ეს კიდევ ერთხელ ადასტურებს, რომ ქართველი ებრაელობა გახლავთ ორგანული, განუყოფელი ნაწილი მსოფლიოს ებრაელობაში მიმდინარე პროცესებისა და ცხოვრობს იმ ტენდენციებით, რითაც მსოფლიოს ებრაელობა.

გასული ებრაული წლის უმნიშვნელოვანეს მოვლენებზე საუბარი უნდა დავიწყოთ იმით, რაც წლის დასაწყისშივე მოხდა: საქართველოში ხელისუფლება რადიკალურად შეიცვალა: ქართველმა ხალხმა – მთელი საქართველოს მოსახლეობამ ნდობის მანდატი ბიძინა ივანიშვილის მიერ შექმნილ კოალიციას – „ქართულ ოცნებას“ მისცა და ბ. ივანიშვილი საქართველოს პრემიერ-მინისტრი გახდა.

ბ-ნი ბიძინა ივანიშვილი საქართველოს სახელმწიფოს სიუზერენთა ებრაელობისადმი ტრადიციულ კეთილ დამოკიდებულებას ჩინებულად განაგრძობს – ქვეყნის ახალი პრემიერ-მინისტრი პირველსავე დღეებში ესტუმრა ქართველ ებრაელთა ბეით ქნესეთს. აქ შეხვდა ჯამაათის წევრებს, გაესაუბრა იმდროინდელ გაბაის – ფ. კოჩობაშვილს. სწორედ მასთან საუბრისას გაცხადდა ის, რომ ებრაელი ერისადმი პატივიცემის ნიშნად განზრახული აქვს შეაკეთოს, საქართველოს სინაგოგები, აღადგენოს სასაფლაოები.

მაღე დადგა ხანუქის დღესასწაული, საქართველოში ჩამოვიდა ქართველ ებრაელთა მსოფლიო კონგრესის დელეგაცია, მისი პრეზიდენტის გ. მირილაშვილის მეთაურობით, პრემიერი დელეგაციასაც შეხვდა და ბეით ქნესეთშიც მოვიდა – სახანუქე სანთელი აანთო. ორიოდე დღის შემდეგ კ. მარჯანიშვილის თეატრში გაიმართა ხანუქის დიდი დღესასწაული – პრემიერ-მინისტრი აქაც მობრძანდა და ჩინებული სიტყვაც წარმოთქვა.

და არა მხოლოდ სიტყვა წარმოთქვა, ისრაელიდან ჩამოსულ რაბინებს უმასპინძლა კიდევც.

ალბათ, ძნელი მისახვედრი არ არის, რომ ეს ფაქტები ერთობ მრავლისმეტყველია.

ებრაული სალოცავების, სასაფლაოების აღდგენითი სამუშაო კი უკვე დაიწყო.

რეკონსტრუქციის პროცესშია დ. ბააზოვის სახ. საქართველოს ებრაელთა ისტორიისა და ეთნოგრაფიის მუზეუმის ნაგებობა – ასე, რომ როგორც ზემოთ აღვნიშნეთ, ბ. ივანიშვილს ახალ ხარისხში აჰყავს ქართველ სიუზერენტა ებრაელობისადმი დამოკიდებულება.

უკვე წელიწადზე მეტია — 5773 წ დადგომამდე — საქართველოში მუშაობას შეუდგა ახალი მთავარი რაბინი – აბიშაი ბათაშვილი, რომელიც დიდ ბეით ქნესეთში წარუდგინეს ჯამაათის წარმომადგენლებს. მისი საქართველოში ჩამოსვლა დაემთხვა ქართველ ებრაელთა დიდ ბეით ქნესეთში



რემონტის დამთავრებას. ამ კეთილშობილ საქმეს მოსკოვში მოღვაწე ბიზნესმენი დავით იაკობაშვილი მეთაურობდა – ბეით ქნესეთი სწორედ მისი დაფინანსებით განახლდა. სწორედ დავით იაკობაშვილის სურვილი გახლდათ, რომ მისი მშობლიური ქალაქის ბეით ქნესეთი, განახლებული შეხვედროდა ებრაულ ახალ — 5774 წელს. უნდა გავიხსენოთ ისიც, რომ ორიოდე წლის წინათ დ. იაკობაშვილმა იდო თავს თბილისის ქართველ ებრაელთა ძველი (ორთქალის) სასაფლაოს აღდგენა.

ბეით ქნესეთის ეზოში კი გ. მირილაშვილის ინიციატივითა და დაფინანსებით, აშენდა რესტორანი. თუმც, რესტორნის კეთილმოწყობაში ბ-ნი ბიძინა ივანიშვილის ფინანსური დახმარებაც გახდა საჭირო. როცა ამ რესტორნის აგების იდეა გაჩნდა, მაშინ გ. მირილაშვილი აცხადებდა:

— რესტორნისაგან არა-რა მოგება არ მაინტერესებს. მინდა, ამ რესტორნის შემოსავლით ბეით ქნესეთს შეექმნას ერთგვარი შემოსავლის წყარო, რათა მას არსებობა გაუადვილდეს.

გ. მირილაშვილის ეს განცხადება დღეს უკვე მოქმედებს და იგი ახალ სივრცეს შლის ბეით ქნესეთის წინაშე.

ბეით ქნესეთების – როგორც აშქენაზების, ასევე ქართველ ებრაელთა, ფინანსური მდგომარეობა უმჯობესია, ვიდრე ორი-სამი წლის წინათ გახლდათ: ერთის მხრივ ისრაელიდან ტურიზმის განვითარებამ და მათ მიერ განეულმა ცედაკამ, ამ რამდენიმე წლის წინათ მ. ჩანჩალაშვილის კარგმა წამოწყებამ (მხედველობაში გვაქვს, ღია ბართების დაბეჭდვა, რომელსაც ტურისტები სიამოვნებით ყიდულობენ) ბეით ქნესეთის ფინანსური მდგომარეობა გააუმჯობესა, თუმცაღა, ეს სულაც არ ნიშნავს იმას, რომ ამათ ძალუძთ ყველა პრობ-

ლემის საკუთარი შემოსავლებით გადაჭრა. ხოლო აშქენაზ ებრაელთა ბეით ქნესეთი ჯამაათის მეტ ყურადღებას საჭიროებს.

არიელ ლევის მიერ დაარსებულმა ებრაულმა სკოლამ არაერთი შესანიშნავი ახალგაზრდა აღზარდა, ისინი მსოფლიოს სხვადასხვა ქვეყნებში ენევიან ღვთისმსახურებას. დღეს კი ეს სკოლა ფინანსურ შეჭირვებას განიცდის. ეს სკოლა, ისევე, როგორც „ხაბადის“ სკოლა, რომელსაც ჩინებული სასულიერო მოღვაწე მირილაშვილი მეთაურობს, არა მხოლოდ ჩვენი ჯამაათის ინტელექტუალური ზრდის გარანტია, არამედ ხვალისდელი საქართველოს ებრაელობის სახეც – საქართველოს ებრაელობის ხვალისდელი დღე ამ სკოლებშიც იჭედება. ამიტომ გვმართებს მათზე ზრუნვა. ხაბადის სკოლას ცნობილი მეცენატების მიხედვით მირილაშვილის და ლევ ლევიანის სახით ჰყავს მზრუნველი და პატრონი, აი, არიელ ლევის სკოლა კი, უსათუოდ უნდა გახდეს ჩვენი ზრუნვის საგანი.

დღეს თბილისში ორასამდე სოციალურად დაუცველი ებრაული ოჯახია, ბევრი მათგანი კი უაღრესი გასაჭირის ზღვარზეა. მოსკოვში მცხოვრებმა ძმებმა — გია და მერაბ ელაშვილებმა მონახეს ამათი დახმარების მობილური ფორმა, ხოლო მიხედვით მიხეილისძე მირილაშვილი კვლავაც განაგრძობს ამგვარი ოჯახების დახმარებას, მან ეს კეთილშობილური მისია წლების წინ იდო თავს.

შემოდგომაზე გაიმართა ქართველ ებრაელთა ბეით-ქნესეთის გაბაის არჩევნები. ჯამაათის, საარჩევნო კომისიის სასახლოდ უნდა ითქვას, რომ იგი ჩატარდა კარგ დონეზე. „მენორა“ უკვე იუწყებოდა, რომ გაბაიდ არჩეული იქნა მერაბ ჩანჩალაშვილი. მან ორიოდე ხმით სძლია გ. გორელაშვილს. მ. ჩანჩალაშვილი საქმიანად შეუდგა თავისი მოვალეობის შესრულებას. მისი მოვალეობა სწორედ ეს არის — მან ჯამაათს უნდა შეუქმნას თავისი რელიგიური მისწრაფებების აღსრულების პირობები.

ა. ბათაშვილი ახალგაზრდა სასულიერო მოღვაწე მოვიდა ჩვენს ჯამაათში, იგი ისრაელში აღიზარდა და რასაკვირველია, დიასპორის ებრაელობის ცხოვრების წესში მისთვის ბევრი რამ უცხოა, შესაძლო, მიუღებელიც, ისევე, როგორც ჩვენთვის არის გაუგებარი სხვა თემების ცხოვრების წესის ზოგიერთი თავისებურება. მის ნაკლად თურმე იმას მიიჩნევენ, რომ კარგი ქართული არ იცის, და კიდევ იმას რომ ეწინააღმდეგება ბეით ქნესეთის ნაგებობის საქართველოს ებრაელთა კავშირის გამგებლობაში მოქცევის. ამასთან დაკავშირებით უნდა ითქვას შემდეგი:

ა) რასაკვირველია, უმჯობესი იქნებოდა, იგი უკეთ ფლობდეს ქართულ ენას, მაგრამ იმედი გვაქვს უახლოეს მომავალში ამ ნაკლს გამოასწორებს. სასულიერო პირის რაობის განმსაზღვრელი არის არა ის, თუ როგორ ფლობს იგი ენას (სენაკში მოღვაწეობდა ასევე ისრაელიდან მოვლინებული დიდი რაბი ბენციონ ეფრემაშვილი, რომელმაც პირველ წლებში ა. ბათაშვილის დონეზეც არ იცოდა ქართული, მაგრამ დიდებული მოძღვარი იყო, შემდეგ ქართულიც კარგად შეისწავლა და ჯამაათის სულიერი მეთაურად გახდა), არამედ რამდენად ძალუძს ჯამაათს დაეხმაროს თავისი რელიგიური მისწრაფებების დაკმაყოფილებაში, რაოდენ იცის იუდაიზმი, რაოდენ შეუძლია ჯამაათს ჩააგონოს ღვთის კანონებით ცხოვრება. იგი თბილისში ჯამაათის დასახმარებლად მოავლინეს იმათ, ვისვისაც სულიერით არ არის, თუ როგორი იქნება საქართველოს ებრაელობის მიმართება თავიანთ რელიგიასთან. ჩვენის მხრივ ა. ბათაშვილს მოვუწოდებთ უფრო ინტენსიური გახადოს ქართულის შესწავლა. ამის გარეშე მას გაუჭირდება იმ მიზნის სრულყოფილი მიღწევა, რისთვისაც თბილისში ჩამოვიდა.

ბ) საქართველოში სამი საქართველოს ებრაელ-

თა კავშირია. არცერთი მათგანი არ ცნობს მეორის არსებობას. ერთ-ერთ მათგანს კი მიაჩნია, რომ არა მხოლოდ თბილისის დიდი, არამედ საქართველოში არსებული ყოველი ბეით ქნესეთი მის ბალანსზე უნდა ირიცხებოდეს. ამასთან დაკავშირებით შარშან სწორედ საახალწლო მიმოხილვაში „მ“ ფურცლებზე გამოითქვა მოსაზრება, რომ სინაგოგები საქართველოს ებრაელთა კავშირის კი არა, რელიგიური ორგანიზაციის, უკიდურეს შემთხვევაში, სემკ-ის ბალანსზე უნდა ირიცხებოდეს. შურისგება არ დააყოვნა: რამდენიმე დღეში ამ კავშირის ხელმძღვანელობამ უსწრაფესად მოაწერა ხელი „მ“ რედაქტორის წინააღმდეგ მიმართულ კიდევ ერთ სიბინძურეს. (იხ. ხუხაშვილის – „ობიექტივი“) ხოლო ფურცლის საღამოს, როცა ჯამაათი „ესთერის გრაფიკის“ კითხულობდა, ამ კავშირის ერთ-ერთი მესვეური ხუხაშვილის მეთაურობით სხვა ებრაელ „მოღვაწეებთან“ ერთად საქართველოს თეატრალური საზოგადოების მესვეურებს მიადგა და მოითხოვდა გურამ ბათიაშვილი, როგორც საქართველოს მოლაპატე, ჟურნალ „თეატრი და ცხოვრების“ რედაქტორობიდან მოხსენით, მით უმეტეს ისრაელის მოქალაქე გახლავთო.

ამით რა შეიცვალა? რამდენჯერაც არ უნდა გაილაშქრონ „მ“ რედაქტორის წინააღმდეგ, ამაოა — იგი მოქმედებს პრინციპით: ბეით ქნესეთები რელიგიური ორგანიზაციის გამგებლობაში უნდა იყოს. აღმოჩნდა, რომ მთავარ რაბინსაც ანალოგიური მოსაზრება აქვს და მისი ექსორიის სურვილის ერთ-ერთი მიზეზი ესეც არისო. იგი მიიჩნევს: ბეით ქნესეთი რაბანუთის გამგებლობაში უნდა იყოს. რაბანუთი რაბინთა საბჭოა, რაბინთა საბჭოს წევრები არიან და სიცოცხლის ბოლომდე რაბინები იქნებიან, ებრაელთა კავშირის მესვეურები კი ხვალ რა როლში მოევიწყებიან საზოგადოებრიობას, არავინ იცის და არც უნდა ეძებდეს — ყოველი ადამიანი თავად წყვეტს თავის მომავალს. არსებობის მცირე ხნის განმავლობაში ამ კავშირმა, რამდენადაც ვიცი, სამი თავმჯდომარე გამოიცვალა, რაბინები კი, როგორც ითქვა, სიცოცხლის ბოლომდე სასულიერო პირებად დარჩებიან. შესაძლოა, ხვალ-ზეგ ა. ბათიაშვილიც არ იყოს ჩვენი მთავარი რაბინი, მაგრამ ეს არაფერს ცვლის — ბეით ქნესეთი რაბანუთის ზედამხედველობის ქვეშ უნდა იყოს და არა რომელიმე საერო ორგანიზაციისა.

გასულ წელს კვლავ გრძელდებოდა ჯ. ხუხაშვილის მიერ ჯერ კიდევ შაბთაი ცურის ელჩობის დროს წამოწყებული ავანტიურა — ბრძოლა მწერლისა და დრამატურგის გ. ბათიაშვილის სახელისა და ღირსების დაკნინებისათვის. ამჯერად ამ საკითხზე არ შეეჩერდებით, მკითხველს კი ვაუწყებთ: გასულ წელს ხაიფის სასამართლომ, სადაც ხუხაშვილმა ბათიაშვილს უჩივლა და მწერლის დასჯა მოითხოვა, 2 ივლისს საკითხი განიხილა და არა მხოლოდ ხუხაშვილის მოთხოვნა არ დააკმაყოფილა, ბათიაშვილის სასარგებლოდ გარკვეული თანხის გადახდაც დააკისრა.

ახალი წლის დადგომასთან დაკავშირებით საქართველოს ებრაელობას მისალოცი წერილები გამოუგზავნეს საქართველოს პრეზიდენტმა მიხეილ სააკაშვილმა და პრემიერ-მინისტრმა ბიძინა ივანიშვილმა.

რომ ჰამანის შემობრძანების საღამოს ბეით ქნესეთში მობრძანდა ისრაელის საგანგებო და სრულუფლებიანი ელჩი ბ-ნი იუვალ ფუქსი, მან შეკრებილ დიდძალ ებრაელობას ისრაელის ხელისუფლების სახელით გულითადად მიულოცა ახალი წელი.

სუქოთის შემობრძანების საღამოს აშქენაზების სინაგოგაში — „ბეით რახელ“ მოვიდა საქართველოს პარლამენტის წევრი დავით საყვარელიძე. მან ასევე გულითადად მიულოცა ებრაელობას შემოდგომის დღესასწაულები, ამავე საღამოს „ბეით რახელის“ სტუმარი გახლდათ ამ ბეით ქნესეთის რეკონსტრუქციის მოთავე, გამოჩენილი ბიზნესმენი, მეცენატი ალექსანდრე მაშკევიჩი.

სიმხა-თორის საღამოს კი დიდ ბეით ქნესეთში მოვიდნენ მოსკოვიდან ჩამოსული სტუმარი, ცნობილი ებრაელი მეცენატი თემურ ხიხინაშვილი, მსოფლიოში სახელგანთქმული ბანი, ებრაელობის დიდი მეგობარი პაატა ბურჭულაძე და კომპანია „ვისოლის“ პრეზიდენტი ს. ფხაკაძე. ისინი თებაზეც კი ავიდნენ და ჯამაათს დღესასწაული მიულოცეს. ეს ერთობ სასიამოვნო ფაქტია, მაგრამ გვერდს ვერ ავუვლით იმას, რომ იმ საღამოს

ბეით ქნესეთისათვის შეუფერებელი, მიუღებელი რამ ხდებოდა და ის, რაც ხდებოდა, მეტყველებს ბეით ქნესეთის რელიგიური ლიდერის — მთავარი რაბინის სუსტ პოზიციაზე. მთავარი რაბინი მოვალეა მეტი ყურადღება და თუ გნებავთ, პედანტური დამოკიდებულება კი გამოავლინოს რელიგიური რიტუალების აღსრულების საკითხში.

როგორც ზემოთ ითქვა, საქართველოს ებრაელთა მსოფლიო კონგრესი თბილისში ბეით ქნესეთის ეზოში აშენებული რესტორნით გახლავთ წარმოდგენილი, რომელიც უთუოდ პოზიტიურ როლს თამაშობს ბეით ქნესეთის ცხოვრებაში, გვჯერა, ეს პოზიტივი დროთა განმავლობაში კიდევ უფრო გაიზრდება, ხოლო კონგრესის წარმომადგენლობის მეთაური საქართველოში (დ. ბალუაშვილი) თანამოაზრეებთან ერთად ხან თეატრალური სამყაროს მესვეურებს მიმართავს ჟურნალ „თეატრი და ცხოვრების“ რედაქტორობიდან გ. ბათიაშვილი მოხსენით, ხან გ. ბათიაშვილის ღირსების

რიცხოვნების შემცირების გამო, სოხნუთის კარს ისე ხშირად არ შეაღებენ, როგორც ამ ათი წლის წინათ. მიუხედავად ამისა, ქვეყანაში მისი არსებობა კვლავაც დადებით როლს თამაშობს.


მონმენი ვართ საქართველოს ებრაელობის საერთაშორისო აღიარებისა: გასულ წელს მოხდა მეტად მნიშვნელოვანი მოვლენა: მსოფლიოს ებრაული კონგრესის ბუდაპეშტში გამართულ გენერალურ ასამბლეაზე საქართველო სხვა ოთხ ქვეყანასთან ერთად მსოფლიოს ებრაული კონგრესის წევრი გახდა — საქართველოს ებრაელობამ თავისი კუთვნილი ადგილი დაიკავა მსოფლიოს ებრაულ თანავარსკვლავედში.

საქართველო, მისი ებრაელობა ექცევა მსოფლიოს სხვადასხვა ქვეყნების სამეცნიერო ცენტრების ყურადღების ცენტრში — გასულ წელს რამდენიმე ქვეყნის მეცნიერები ჩამოვიდნენ, რათა შეისწავლონ ჩვენი ისტორია, ტრადიციები.

გვერდს ვერ ავუვლით ისრაელის პრეზიდენტის მიერ ნათქვამ ერთ ფრაზას:

ზემოთ ითქვა, რომ საქართველოს პრემიერ-მინისტრი ებრაელობასთან მიმართებაში ჩინებულად განაგრძობს ქართველ სიუზერენთა ტრადიციას, უფრო მეტიც: შეიძლება ითქვას, რომ ახალ ხარისხში აჰყავს იგი. ამის ნათელი დადასტურება გახლდათ 5773 წელს ისრაელის სახელმწიფოში პრემიერ-მინისტრ ბიძინა ივანიშვილის ოფიციალური ვიზიტისას ნათქვამი ერთი ფრაზა. აი, რა უთხრა ბ-ნი ბ. ივანიშვილს პრეზიდენტმა შ. პერესმა: „თქვენ ებრაელი ხალხის ნამდვილი მეგობარი ხართ.“ შიმონ პერესი კი ის პოლიტიკოსია, რომლის ყოველი სიტყვა, ყოველი შეფასება სოფლის სასწორზეა აწონილი. როცა იგი ასეთ შეფასებას აძლევდა ბ-ნი პრემიერ-მინისტრს, რასაკვირველია, მხოლოდ მისი ამჟამინდელი მოღვაწეობა არ ჰქონდა მხედველობაში.

შარშანდელ საახალწლო მიმოხილვაში აღვნიშნეთ და არც ამჯერად გვინდა ავუაროთ გვერდი ერთ ძალზე მნიშვნელოვან გარემოებას: თბილისის ბეით ქნესეთებში შეინიშნება ახალი თაობის მომძლავრება. რომ ჰამანის, ქიფურის, სუქოთის სადღესასწაულო დღეებში ახალგაზრდა მლოცველები სწორედ რომ ეროვნულ-რელიგიური სულისკვთებით ირჯებოდნენ და ამით ბეით ქნესეთების ფინანსურ მდგომარეობასაც აძლიერებდნენ. ვინძლო, მალე დადგეს დრო, როცა საქართველოს ებრაელობა უცხოეთში მცხოვრებ თანამომქმეთა დახმარებას არ დისაჭიროებს. ეს ჩვენც გავგახარებს და იმ ქართველ ებრაელებსაც, რომლებიც დღეს ისრაელში, რუსეთსა, თუ სხვა ქვეყნებში ცხოვრობენ და თავთავიანთ ადგილის დედას არ ივინყებენ.



დასაცავ პეტიციაზე ხელისმომწერ ჯამაათის წევრებს აუხირდება ბათიაშვილის ღირსების წარმომჩენ წერილს ხელი რატომ მოაწერეთო, ხანაც მწერალთა კავშირს მიმართავს გ. ბათიაშვილი მწერალთა კავშირიდან გარიცხეთო, კონგრესის წარმომადგენლობა ასეთ „ფასდაუდებელ სამსახურს“ უწევს საქართველოს ებრაელობას და კონგრესს.

საქართველოში კვლავ განაგრძობს თავის კეთილშობილურ საქმიანობას ჯოინტი, მართალია, დღევანდელ საქართველოში ეკონომიკური მდგომარეობა, უკეთესია, ვიდრე ამ რამდენიმე წლის წინათ იყო, მაგრამ მაინც ბევრი ოჯახია ჯოინტის შემყურე. „ხესედ ელიაჰუს“ მეოხებით იგი უთუო მშველელია იმათი, ვინაც შველას საჭიროებს, ხოლო საქართველოში ებრაელთა





(ბაბრქაძე. დასაწყისი იხ „მ“ №6, 7, 8, 9, 10, 11-12)

ებრაული მისტიციზმის საფუძვლები და ღიადელი შნეურ ზალმანის თეოსოფია

ივსაკ ღავილი

ჰოშეა' გაცილებით მეტად ადანაშაულებს ისრაელს გახრწნილება-სიმრუშეში. ვინმემ იეჰუდას (4:15) იგი ხაზს უსვამს სპეციფიკური „სიმრუშის სულს“ (რუახ ზნუნიმ), რომელმაც მთელი ხალხი მოიცვა (5:4).

ნინასწარმეტყველი იოელი ესქატოლოგიური კონცეფციის გამტარებელია „ახლოსაა დღე იჰვჰ-სი, საშინელი და დიდი“ — აცხადებს იგი (1:15 2:1, 11 3:4) — იჰვჰ-ს შურისმაძიებლურ იარაღსაც ახლაც ჩრდილოელი (ჰაცა-ფონი) წარმოადგენს, რომელიც ღმერთის ნებას ასრულებს ისრაელში (2:20).

იოელთან მეტი სიმკვეთრით იკვეთება მისტიკურ-სპირიტუალური ტექნიკა, გარკვეული იერარქიითაც კი, ასეც ამბობს მისი პირით ღმერთი:

„და იქნება შემდეგ, გადმოვანთხვე სულს ჩემისას ყველა ხორციელზე და აწინასწარმეტყველდებიან ვაჟიშვილები თქვენი და ქალიშვილები, მოხუცნი თქვენი სიზმრებს მოისიზმრებენ, ჭაბუკები თქვენი ჩვენებებს იხილავენ, თვით მსახურნიც და მოახლენიც კი... და მივცემ სასწაულებს ცაში“ (3:1 23).

მართლაც, ნინასწარმეტყველ ჰოშეასთვის ამოსავალია რწმენა, ვითარც ღვთაებასთან შეუღლება-შეკავშირების განუყოფელი ფენომენი. სხვა ყველა მოვლენასა და კატეგორიაზე მალა რომ დგას. ამდენად ნიშანდობლივი შნეურ ზალმანისეული განსაზღვრება ებრაული ცნება ემუნა-სი (რწმენა), ვითარც ისეთი შეჩვევა-ადაპტაციის მიმდინარეობისა, როცა ადამიანი საკუთარ თავს დააჩვევს გარკვეული ეთიკური შემოქმედების წესებს. (ლ"ა. 43).

ამრიგად, ღვთაებრივი გადმონთქვევის განხორციელების რამდენიმე საფეხურთან ან ეტაპთანა გვაქვს საქმე. აღმავალი მიმართულებით: სიზმარი, ჩვენება, ხილვა, ნინასწარმეტყველება, სასწაულთმოქმედება, რაც სულის სტრუქტურა-აგებულების ხუთ საფეხურებრივ გრადაციას შეესაბამება: ნეფემ — რუახ — ნეშამა — ხაია — იეხიდა, როგორც იყო ზემოთ ლაპარაკი.

იოელიც ურისხდება და უწყრება ფინიკელებსა და ფელიშთიმ-თ, რომლებმაც ბერძნებს მიჰყიდეს იერუშალიმელნი და იეჰუდას ძენი, რათა ისინი თავიანთი საზღვრებიდან დაემორებინათ. (4:6).

ჩვენებებსა და ღმერთის მოკითხვაზე ლაპარაკობს ამოსიც (1:1 5:6) მიხა კი პირდაპირ აცხადებს, რომ იგი აღივსო „ძალითა იჰვჰ-ს სულითა“ (3:8) ხაბაკუკისათვის ამოსავალია რწმენა „ემუნა“ (2:4).

მაღახი დეტერმინისტულად აცხადებს „განა ადამიანი ადგენს და სწყვეტს ღმერთის არსებობას?!“ (3:8).

დავიდისეული ფსალმუნნი ერთი დიდი დიალოგია ღმერთთან და დამყარებულია რწმენის აქსიომაზე (37:3 46:11 55:23 96:13 102:12) მეფე დავიდი, ფაქტიურად ებრაული მესიანისტური

სახელმწიფოებრიობის დამაარსებელი, საუბრობს ღმერთის (იჰვჰ) წმინდა სულზე, რომელიც ადამიანში სუფევს (იხ. 51:13 83:3 92:6 118:22).

დავიდი კარგად იცნობს ხმეთაშუაზღვისა და მცირე აზიურ ტოპონიმიასაც ფელემთ (პალესტინა) ზღვების კუნძულებიდან რომ შემოდიან ერეც-ისრაელში, თარშიშ-თართოსი და რაც მთავარია მეშეხ-მოსოხმესხ-(ეთ). „ოი, მე რომ მეშეხ-ში ვცხოვრობდიო...“ — აცხადებს იგი (120:5).

შელომთი (ქართ. სოლომონ) იწყება ებრაული სიბრძნეთმეტყველება ანუ ბერძნ. ტერმინი რომ გვეხმარა — ფილოსოფია, რაც საფუძვლად დაედო შემდგომში საკუთრივ ხ.ბ.დ.-ის სისტემის ჩამოყალიბებასაც, (იგავნი 1:2).

შელომოსათვის ამოსავალია ცნება (ირათ იჰვჰ)-სი — ღვთისმოშიშობა, რაც მისთვის ყოველივე არსებულის საფუძველს წარმოადგენს (იხ. იქვე, 1:6 1:29 2:5, 6 3:5 8:12 9:10 14:26 15:16, 33 15:6 19:23 22:4 23:17 24:21 31:30).

შელომოს მრწამსით (ცედაკა თაცილ მიმავეთ) — ქველმოქმედება სიკვდილს გადაარჩენს (11:4 16:12 21:21) და შემდეგ „სანთელი იჰვჰ-სი სულია ადამიანისა (20:27 შდრ. იობი, 4:9 19:26 28:12).

ღრმა მსოფლმხედველობითი ყოვლისმომცველობით ხასიათდება შელომოსეული „კოჰელეთ“ (ქართ. ეკკლესიასტი), რომლის ძირითადი მოტოც მისტიკურ-ნაჰილისტურია — „ამაოება ამაოებათა... ყოველი“ — აცხადებს მეფე გაერთიანებული ისრაელური სახელმწიფოსი ძვ. წ-ით 965-928 წ.წ.-ში (იხ. 1:2, 14), უფრო მეტიც მას მიაჩნია, რომ ნამატი სიბრძნისა სიბრაზეს იწვევს, ჭკუისა კი ტკივილს. (იქვე 1:18).

შელომოს ფატალიზმი შემდეგ მრავლისმთქმელ ფრაზაშია მოქცეული „რაც კი იყო, ისაა უკვე და რაც იქნება, იყო უკვე (3:15) გარდა ამისა, ადამიანი ვერ შესძლებს სულზე გამგებლობას, მის დატყვევებას (8:8), იგი ფატალიზმის ფილოსოფიას ქადაგებს (9:11) დრო და განგება განაგებენ ყველაფერს.

ასეთი ფატალისტური განწყობის შემდეგაც პოულობს სიბრძნისმეტყველი ხელმწიფე გამოსავალს, საშველი?! „გაატანე წყალს პური შენი, მრავალთა დღეთა შემდეგ კვლავ მოიძიებ“.

როგორც ცნობილია, რიგი შელომოსეული ნაწარმოებნი არაკანონიკური არიან ასე მაგ. „სიბრძნე“-ში უშუალოდაა საუბრები „ქვეყნიერების სულით აღვსებაზე“ (1:7) მე-15 თავში ღმერთის შეცნობა სრულ ჭეშმარიტებადაა გამოცხადებული.

ზირაქი თავის „სიბრძნე“-ში აღიარებს, რომ „უნინარეს სიბრძნე წარმოიშვა“ (1:4) ამასთან „ზოგის მდუმარებაში სიბრძნე ჩანს“ (20:5).

ბარუქ ნინასწარმეტყველი იცნობს სულის შევიწროებასა და შეწუხებას (3:1).

დანიელს ესმის ყველა სიზმრისა და ჩვენებებისა, მასში სუფევს სული ღვთაებისა. (1:17 5:14).

ნაწარმოების „მეორე ნეშტა“ (ვიდრე ჰაიამიმ) მიხედვით ღმერთი ეცხადება შელომოს 1:7 15:1), ნინასწარმეტყველების აქტი გარჩეულია საკუთრივ ჩვენებისაგან (ნევეუა-ხაზოთ) (9:29).

კაბალისტის წარმოდგენაში, მისი თმა ცოცხლიერია თავის გამანადგურებელი ძალით. მისი ლოყები ელვარებენ... რ. იოსეფის მიხედვით მთელი კოსმოსი ერთი დიდი სექსუალური აქტის გამოხატულებას წარმოადგენს, ანატომიურად ადამიანის ასო-ნაწილები კოსმიური ხის პარალელებს ქმნიან.

საკუთრივ, თორისეული ასოებიც კი, ძლიერი წარმოსახვის ნაკადში გამოხატავენ ღმერთისა და შეხინის კავშირს. რ. იოსეფის ხსენებული უნიკალური სისტემის მიხედვით, ებრაული ასო იოდი, წინდაცვეთის ნიშანს რომ ჩამოგავს, იქცა ხელმწიფის ფალოსად ანუ ასო ზაინ-ად, რომელიც უნდა მიიღოს მდებრობითი სქესის ასოს მსგავსმა ხეთ-მა.

თავის მისტიკურ-სქესობრივ წარმოსახვებში რ. იოსეფი შორსაც მიდიოდა, იგი ნიშანდობლივ მოძღვრავდა თავის მოწაფეებს, რომ „წარმოესახათ მიტრონა (ღ-ის მდებრობითი ასპექტი), რომელსაც ფეხები ჰქონდა გაშლილი, რათა მიეღო მამრობითი ასო ზაინ-ი“.

კაბალისტის ამოცანაა საკუთარი სხეულებრივი შემცველობა დასცალ-დააცარილოს თავისი „მე“-სგან, ასეთ შემთხვევაში იგი შეძლებს ერთი სუნთქვით ახალ სამყაროთა შექმნას. ხოლო ერთი ამოსუნთქვით მათ დანგრევას. ასეთი წარმოსახვები გამოხატავდნენ გონებრივ ექსკურსიებს ციურ ვრცეულებებში, ისევე როგორც იეხიზკეელი აღწერს „მერქავა“-ს და რიგი სხვა წიგნებისა, მედიტაციებს რომ ეხებიან და ძველებრაულსა და სპარსულ-ინდურ გნოსტიკურ მიმდინარეობებს ეყრდნობიან.

თუ ადრე ღვთაებრივ შენაქმენზე იყო გადატანილი გულისხმიერება, ახლა უკვე უფრომოსა და უნივთო სამყაროს განჭვრეტდნენ აბსოლუტისა.

კოსმო-მისტიური მენტალური მოგზაურობის განმავლობაში მჭვრეტელი ხშირად ხდებოდა მსხვერპლი ილუზორული წარმოსახვებისა, მაგ. მეექვსე ჰეხალ-ში კარი წარმოსახებოდა ვითარც მილიარდობით წყლის ტალღით მოელვარე მარმარილო, თუმც მასზე ერთი წვეთიც კი არ იყო.

მხოლოდ ადამიანის თვით-გარდასახვის გზით ხდებოდა შესაძლებელი, ღვთაებრივის განჭვრეტა. (შდრ. რ. ხანანელ ბ. ხუშიელის (11ს.) შენიშვნები, ასევე რ. ნათან ბ. იეხიელის, რ. ჰაი გაონის, რ. შემუელ გაონისა და რ. ელეზარ ბ. ღურდიას (ცნობილი ცოდვილი) დაკვირვებები).

ხსენებული გამოცხადება-აპოკალიფსის (გილუი, ჰითგალუთ) თვალსაზრისს ვხვდებით ასევე, მთელ რიგ რელიგიურ-მონოთეისტურ მოძღვრებებშიც, ნამდვილი ჭეშმარიტება მიიწვდომება ფიქრთ-ჩაღრმავების (ქავანა) პროცესში, სწორედ აბსოლიტურ ყოფიერებაში (ებრ. იეშ მეაინ. ბერძნ. ტო ონტოს ონ) ინდურ. სატიასია სატიამ) და ა.შ.

ამასთან, ძველებრაული ცნება ღვთაებრ. გამოცხადებისა (გილუი) ყველაზე სრულყოფილია და აბსოლიტურიც, რამეთუ ისაა მარადმყოფური ქმნადობა თავისთავადი იჰვჰ-სი.

აკი არისტოტელემ დაიწყო, ხოლო პანეცუსის როდოსელმა (ძვ. წ. 185-110) განავრცო სწავლება თეორიულია და პრაქტიკულ ქველმოქმედებაზე, რომლის საყოველთაო და

რას ვკითხვართ უფრო
ამ კვირაში?

რუბრიკას უძღვება საქართველოს
მთავარი რაბინი
აბიშაი ბათაშვილი



ი
მ
მ
მ

ამ კვირის ფარაშას მოშე რაბენუს სიმამრის
სახელი - „ითრო“ ეწოდება იმის გამო, რომ
წერია „და დაამატებს ერთ ფარაშას თორ-
აში“. ითრომ ერთი ფარაშა დაუმატა თორას
მას შემდეგ, რაც ნახა თუ როგორ იდგა მოშე
ისრაელის შვილების პირისპირ დილიდან
საღამომდის, ასწავლიდა თორას და განსჯ
და მათ. მან უთხრა მოშეს: „რატომ ზინარ
მარტო და მთელი ხალხი თავზე წამოგდგ-
ომია დილიდან საღამომდის“. ითრომ მოშეს
ურჩია დაენიშნა ათასისთავები, ასისთავები
და ა. შ., რათა მას ხალხის საქმეების მართე-
აში დახმარებოდნენ.

აქ მარტივი კითხვა ისმის: როგორ
შეიძლება, რომ მოშე რაბენუმ, ისრაელის
ხალხის ერთგულმა მწყემსმა, თვითონ ვერ
გააცნობიერა, რომ მარტო, ყოველგვარი
დახმარების გარეშე ხალხის საქმეების მართ-
ვის ძალა არ შესწევდა და ითროსგან ასეთი
უბრალო რჩევის მიღება დასჭირდა?

მსგავსი რამ აღმოვაჩინეთ თვით სინაის მთ-
აზე თორის მიღების ამბავშიც. მოშე რაბენუს
სურდა, რომ ისრაელის ხალხს თორა პი-
რდაპირ ღმ-თისგან მიეღო, მაგრამ ისრაე-
ლის შვილებმა უთხრეს მოშეს: „თუ კიდევ
მოვისმენთ ჩვენი უფალი ღმ-თის ხმას და
დავინოცებით“. მათ სთხოვეს მოშეს თვითონ
მოესმინა ღმ-თის პირით ნათქვამი და შემდეგ
გადაეცა ხალხისთვის.

მოშე რაბენუ ფრიად დაამწუხრა ამის
მოსმენამ, მაგრამ კურთხეულმა უფალმა
უთხრა მას: „მოვისმინე ამ ხალხის ლაპარ-
აკის ხმა, შენ რომ გელაპარაკებოდნენ, კა-
რგია ყოველივე, რაც ილაპარაკეს“. აქ ისევ
ისმის კითხვა: განა მოშე რაბენუს თვითონ
არ შეეძლო გააცნობიერებინა, რომ ისრაე-
ლის შვილებს ჯერ კიდევ არ შესწევდათ
იმის უნარი, რომ პირდაპირ ღმ-თის პირით
წარმოთქმული უფლის სიტყვები მასსავით
მიეღოთ?

ექვს გარეშეა, რომ მოშეს, ერთგულ მწყემსს
შეეძლო ხალხის უნარის სწორად შეფასება.
მან იცოდა, რომ ხალხს, თავის მხრივ, პი-
რდაპირ ღმ-თისგან თორის მიღების უნარი
არ შესწევდა, მაგრამ მას სურდა ხალხი იმდ-
ენად მაღალ დონემდე აღემაღლებინა, როცა
უკვე შესძლებდნენ ღმ-თის სიტყვის მიღებას.
როდესაც მოშე რაბენუ ისრაელის შვილებს
აღამაძლებს, ის მათ ღმ-თის პირით ნათქვამი
სიტყვების მოსმენის ძალას აძლევს.

ამის საპირისპიროდ, ისრაელის შვილები
აცხადებდნენ, რომ იმ დროს, როდესაც მოშე
რაბენუ მათ უფრო მაღალ დონემდე ამაძლებს,
ეს მათი გონებითა და მათი გრძნობებით
თორის მიღების რეალურ მდგომარეობას
არ წარმოადგენს. მათ სურთ თორის მიღება
თავიანთ რეალურ მდგომარეობაში, როდესაც
ძალა არ შესწევთ უფლის პირით ღმ-თის
ხმის მოსმენა. მაგრამ ამ შემთხვევაში თორა
მათი გონებითა და მათი შესაძლებლობების
მიხედვით მიიღება და მათში შინაგანად და
ჭეშმარიტად აღიქვება.

ასევეა განსჯის საკითხშიც: როდესაც
ისრაელის შვილები მოშე რაბენუს პი-
რისპირ დგანან, ისინი საკუთარი დონ-
იდან მაღლდებიან და არ შეუძლიათ თავ-
იანთ საქმეებში და თავიანთ „სადავო
საკითხებში“ იყვნენ ჩაფლულნი. ასე სურდა
მოშეს ხალხის წარძლომობა - რომ თავიანთ
უმაღლეს დონეზე ყოფილიყვნენ და ყოვე-
ლდღიური დავის საკითხებში არ ყოფილიყ
ვნენ ჩაფლულნი.

ითრომ დაინახა, რომ ეს მდგომარეობა
ხალხის ბუნებრივი მდგომარეობა არ იყო და
კურთხეულმა უფალმა მისი არგუმენტი მი-
იღო, რადგან იცოდა, რომ მოშე რაბენუს არ
ელირსებოდა ისრაელის ქვეყანაში შესვლა,
ისრაელის ხალხი კი ისრაელის ქვეყანაში მის
გარეშე შევიდოდა, სადაც ის ყოველდღიუ-
რი საქმეებით იქნებოდა დაკავებული. ამი-
ტომ კურთხეულმა უფალმა ათასისთავების,
ასისთავებისა და ა. შ. დანიშნა დაადასტურა,
რათა თორას ისეთი ცხოვრების რეალობაში
შეეღწია, როგორც ის არის. ამით კი სიწმი-
ნდის შუქი საქმიან ცხოვრებაში შეაღწევდა
და მთელს ქვეყანას ჭეშმარიტი და სრული
გეულისთვის მოამზადებდა.

საბოლოო მიზანს ბედნიერების მოტანა შეად-
გენს.

ფილონ ალექსანდრიელიც (ძვ. 20 — ახ. 50
წწ) ხომ ლაპარაკობს სულის რვა ატრიბუტ
– ნიშან-თვისებაზე, ემანაციაზე, იმ უზენ-
აეს ენციკლოპედიურ ცოდნაზე, რომელიცაა
საჭირო ჭეშმარიტების მისაღწევად, რეველ-
აციური გამოცხადებით ჭეშმარიტებას კი წმ.
ნაწერი (ბიბლია) შეადგენს, რომელიც აქსიო-
მატურად უნდა იქნეს მიღებული, მისი შენვ-
დომის საშუალებას მუდმივ-სრულყოფადი
ფილოსოფიური მეთოდი წარმოადგენს.

ღმერთის შეუნვდომლობის არ-განსაზ-
ღვრულობის იდეალიც ნათლადა გამოკვეთი-
ლი აქ ანუ დეფინიცია იმისა, რაც არაა ღმერთი
ვრცეულ-დროით განფენილებაში, საკუთრივ
რეფლექსია – ღვთაებრივის არეკვლის პრო-
ცესია.

ე.წ. უარყოფითი ანუ აპოფათიკური თეო-
ლოგია ხომ ჯერ ფილონთან დაიწყო, გაჰყ-
ვა ნეოპლატონისტებს, ორიგენს, გრიგოლ
ნისელსა და თავის აპოგეას არეოპაგიტებთან
მიაღწია.

საკუთრივ ღვთაებრივის გაადამიანების
იდეა (ჰიშთალშელუთ) პატრისტიკაში, ღმერ-
თის დაღმასვლის ანუ კენოსისის სახით ჩამო-
ყალიბდა.

ფილონისეული აზრი ექსტაზირებული
აღმაფრენის შესახებ, წმ. სულის შესამეც-
ნებლად გატარებულია რ. ფინხას, ბ. იარის
მიერ მიშნა-სოტაში, სადაც დადგენილია გზა,
ასეთი მიზნის მიღწევისათვის, ზნეობრივი
სისუფთავის, სინმინდის, მორჩილების, მო-
შიშებისა და კეთილშობილების საშუალებით.

ამასთან, ზემოხსენებული ყველასთან ერთ-
ნაირი ძალით როდი ვლინდება, ებრაელსა თუ
არაებრაელს, ქალსა თუ კაცს... ყველას თავი-
სი საზღაურის მიხედვით მიეცემა.

ებრაულმა მისტიკამ პალესტინაში აიდგა
ფეხი. მის სათავეებთან ჩვენ ვამჩნევთ იოხან-
ან ბ. ზაქაის, ელიეზერ ბ. ჰირკანოსს, აკივა ბ.
იოსეფს და რაბი იშმაელს, რომლებიც ნოდე-

ბულ იქნენ (იორდე მერქაბა-დ) ანუ ღვთაე-
ბრივ ეტლში ჩამსვენებლად. მათი ღვთაება იმ
წმიდა ხელმწიფედ იყო ცნობილი, რომელიც
უცნობი სამყაროებიდან ჩამოეშვა „955 ცის“
გამოვლით და ტახტზე მოივანა. (მდრ. მეტა-
ტრონი, ჰეხალოთი).

კაბალისეული სიკეთე-ბოროტების დაპირ-
ისპირება, რაც ესოდენ ნათლადა წარმოჩენი-
ლი ლიადელი ზალმანის მილიადის ფილოსო-
ფიაშიც, თავის კავკასიურ ნიაღვრასაც
პოულობს ძვ. აზერბაიჯანში განვითარებული
მაზდეიზმის, ზოროასტრიზმისა და მაგიზ-
მის სახით, რაც შემდგომში გნოსტიციზმის
და ქრისტიანობის გავლენით მანიქეიზმშიც
(მესამე ს ახ. წ.) გამოვლინდა.

პლოტინის (203-269) „ენეადებშიც“ ხომ
აისახა ხსენებული ტრიადის ონტოლოგიურ-
სუბსტანციური ანუ იპოსტასური ხასიათი,
როცა პირველი მათგანი, - ერთიანი, წარმოად-
გენს ტრანსცენდენტალურ უზენაესობას, ანუ
ბიბლიურ ბერეშითს (თავდაპირველობას),
აქედანვეა პლოტინისეული მისტიკური შეხედ-
ულება სულის აღსვლის შესახებ. გრძნობითი
მდგომარეობიდან ზე-გონებრივი ექსტაზი-
საკენ.

პლოტინითაც უზენაესი „ერთი“ არის წყ-
ალობა (ხესედ), უსასრულო სინათლე და
გამონათიერება (ჰააცალა), დაღმა-სვლა
(ჰამშახა), განჭვრეტა (ჰითბონენუთ), კატ-
ეგორიები (ბეხინოთ) და ა.შ.

უნიო-მისტიკა ანუ მისტიკური ერთიანობა
ღვთაებასთან საერთოდ ყველა სახის რე-
ლიგიისთვისაა დამახასიათებელი, ფაქტიუ-
რად, თითოეული საწმუნოების საბოლოო
მიზანს სწორედ ასეთი მისტიკური კავშირის
მიღწევა-განხორციელება წარმოადგენს. ეს
გარკვეულ მიმართებაშიცაა რელიგიურ-ინ-
დივიდუალურ ცნობიერებასთან, მისტიკური
მიისწრაფის საერთო საყოველთაო კოსმიური
ერთიანობისკენ და მისთვის გამოცხადება-
აპოკალიპსისი არ შეადგენს ერთგვარად ის-
ტორიულ მოვლენას, არამედ იგი საფუძვლად

ედება მრავალჯერ განმეორებად აქტს.

ებრაულმა მისტიციზმმა, სულ სხვა საფეხ-
ურზე აიყვანა ღვთაებრივის შემეცნების
განცდა, ამასთან კონკრეტული გზა-მიმარ-
თულება დასახა მის მისაღწევად.

დეუს აბსკონდიტუს „მიფარული, თავის
თავში არსებული ღმერთი“ კაბალამ შესამეც-
ნებელ-მისანვდომ რაობად აქცია. სავსებით
მართალი იყო კაბალისა და ებრაული მის-
ტიციზმის შესანიშნავი მკვლევარი გერშომ
შოლემი, როცა მკვეთრად სვამდა საკითხს
ენობრივ-გამომსახველობით ასპექტსა და
მისტიკურ შემეცნებას შორის. „განა კი ვითარ
შეიძლება. – წერდა იგი. – მისტიკური განცდა
ენობრივ პლანში გამოიხატოს, როცა იგი ისეთ
ვრცეულებაშია, რომელიც უარყოფს ენასაც
და გამოთქმასაც? ანუ როგორ შეიძლება შინ-
აგანი პროცესი, ადამიანურის ღვთაებრივთან
შერწყმის სტადია, სათანადო სიტყვებით
იქნეს აღწერილი?“ (იხ. Greshon Sholem, Major
Trends in Jewish Mysticism, 1957).

საქმე გვაქვს ღვთაებრივი სამყაროს წარ-
მოდგენა-ობიექტივაციის ცდასთან, სწორედ
ებრაული ენის მეშვეობით, რადგანაც ენა
აღწევს ღვთაებას, რომლისგანაცვე მომდი-
ნარეობს იგი. დღემდე გამოქვეყნებულ ოთხ
ათასამდე და გამოუქვეყნებელ ათასობით
მისტიკურ-კაბალისტურ ხელნაწერში, ცხა-
დადაა მინიშნებული, რომ ჩვენი საბოლოო
მიზანია იმ გზას დავუბრუნდეთ და განვლოთ
ხელახლა სანინაალმდეგო მიმართულებით,
რომლითაც ჩვენ ღვთაებას დავშორდით,
მოვნყდით, ე.ი. საუბარია უკუქცევით პრო-
ცესზე (მდრ. დიასტოლა-სისტოლის ცნებები).

კაბალისტი ვერ იხელმძღვანელებს მხ-
ოლოდ შესასწავლი, დასაზუთხი მითითებე-
ბითა და დარიგებებით. მას კერძო-პირადული
დატვირთვის უდიდესი ძალაც სჭირდება, რაც
შესაძლოა ღრმა საიდუმლოებებითაც იყოს
შეზოჭილი. ამდენად, პიროვნების განწყობაც
მისტიკურ-საიდუმლო პერიპეტიების პარა-
დოქსში იკვეთება.

(ბაბრემუბა იძნება)

ედგარ ბრონფმანის ხსოვნას



84 წლის ასაკში გარდაიცვალა გამოჩენილი ებრაელი ფილანტროპი და საზოგადო მოღვაწე ედგარ ბრონფმანი.

ედგარ ბრონფმანი თითქმის 30 წლის განმავლობაში გახლდათ მსოფლიოს ებრაელთა კონგრესის პრეზიდენტი. მისი პრეზიდენტობის ხანა დაემთხვა საბჭოთა კავშირის ნგრევას, როცა ყოფილი საბჭოთა კავშირის ტერიტორიაზე გააქტიურდა ებრაული მოძრაობა. იგი ყოველი ჩვენგანის დიდი მეგობარი გახლდათ, ყოველთვის აინტერესებდა, თუ რა ხდებოდა საბჭოთა კავშირის რესპუბლიკებში, განსაკუთრებით აინტერესებდა ადგილობრივი მოსახლეობისა და ხელისუფლების მიმართება ებრაელობასთან. აინტერესებდა ამათუიმ რესპუბლიკაში იყო თუ არა ანტისემიტიზმი და რა დონისა გახდა იგი. მან დიდი როლი ითამაშა საბჭოთა კავშირის ებრაელობის საერთაშორისო ებრაულ ოჯახში დაბრუნების საკითხში, მასსოვს, რაოდენი დისკუსია იმართებოდა ვაშინგტონსა, თუ იერუსალიმში, როცა

ჩვენი დელეგაცია მსოფლიოს ებრაელთა კონგრესის წევრობას მოითხოვდა, რაოდენ რთული ბარიერები იყო გადასალახავი და ედგარ ბრონფმანი როგორ ამხნევებდა ჩვენს დელეგაციას.

მალალი, ცისფერთვალეა, დახვეწილი მანერების ედგარ ბრონფმანი ნებისმიერი ადამიანის ყურადღებას იპყრობდა. მოვლენათა, პრობლემების მისეული გონივრული განსჯა, ყოველთვის საინტერესო მოსაუბრედ აქცევდა, ამიტომაც იყო, რომ მისთვის ღია იყო მრავალი სახელმწიფოს სიუზერენთა კარი. ამ პიროვნებებთან ბრონფმანის მოლაპარაკებების თემა კი ყოველთვის იყო ებრაელთა მდგომარეობა. იგი იბრძოდა ჰოლოკოსტის მსხვერპლთა უკვდავყოფისათვის, ებრძოდა, უპირისპირდებოდა იმ სახელმწიფოთა ლიდერებს, რომლებიც ისრაელის დელეგაციას ესწრაფვოდნენ. ცდილობდა სათავე დაედო, და ეს მოახერხა კიდევ, სხვადასხვა, რელიგიის წარმომადგენლები ერთი მაგიდის ირგვლივ დაესვა — მიიჩნევა, რომ დიალოგი, აზრთა გაზიარება საუკეთესო — ერთადერთი გზაა პრობლემების გადაჭრისა.

ედგარ ბრონფმანი თავისი ბიზნესის საკითხებთან დაკავშირებით თბილისშიც იმყოფებოდა და კმაყოფილებას გამოხატავდა ამ ქალაქის მშვენიერებით.

გურამ ბათიაშვილი

ისრაელის მოსახლეობამ რვა მილიონს გადააჭარბა



2013 წლის დასასრულს ისრაელის მოსახლეობა რვა მილიონ 132 ათასი ადამიანი გახლდათ. როგორც ისრაელის მე-9 არხი იუნყეა, ამას ადასტურებს 29 დეკემბერს ისრაელის სტატისტიკური ბიუროს მიერ გამოქვეყნებული მონაცემები.

ისრაელის მოსახლეობის 75,2% ებრაელია და შეადგენს 6 მილიონ 102 ათას ადამიანს, გასული წლის ბოლოს ისრაელის მოქალაქე არაბთა რაოდენობა გახლდათ 1 მილიონ 682 ათასი ადამიანი.

ცენტრალური სტატისტიკური ბიურო იმასაც იუნყეა, რომ გასულ წელს ისრაელში დაიბადა 175 ათასი ბავშვი, ხოლო ისრაელში ჩამოვიდა 16 ათას ექვსასი რეპატრიანტი.

2013 წელს ისრაელის მოსახლეობა 1.8%-ით გაიზარდა.

ისრაელის ანბანი

სკანდალი

ბარაკ ობამას ადმინისტრაცია აქტიურად ჩაება ახლო აღმოსავლეთის კონფლიქტის მონესრიგების საკითხში. მას სურს, რაც შეიძლება მალე მიაღწიოს ისრაელ – პალესტინის შეთანხმებას. ისრაელის საზოგადოებრიობა ამ ფაქტს ერთმნიშვნელოვან დადებით მოვლენად არ აღიქვამს არის საუბარი ობამას ადმინისტრაციის ისრაელზე ზენოლის თაობაზე. აშშ ცდილობს ისრაელი ისეთ დათმობაზე წავიდეს, რომელმაც ისრაელელთა აზრით, შესაძლოა, ზიანი მოუტანოს ისრაელის უსაფრთხოებას.

ამას ადასტურებს სკანდალი, რომელიც ამ დღეებში აშშ-სა და ისრაელს შორის აგორდა.

— აბუ მაზენი მხოლოდ ჩვენი ძალისხმევით, ჩვენი იარაღით დგას ფეხზე, თუ ჩვენ იუდეიდან და სამარიიდან წავალთ, აბუ მაზენის დღეები ამოიწურება, იუდეასა და სამარიასში „ხამასი“ გაბატონდება. ახლა მოლაპარაკება სინამდვილეში ჩვენსა და ამერიკელებს შორის მიმდინარეობს. ერთადერთი, რაც ჩვენ გადაგვარჩენს, ეს არის ის, რომ ჯონ კერიმ მიიღოს ნობელის პრემია და ჩვენ თავი დაგვანებოს — ეს სიტყვები პირად საუბარში თქვა ისრაელის თავდაცვის მინისტრმა მოშე აიალონმა, მაგრამ როგორც თავად ამბობს, იქ სხვებიც იდგნენ და ნათქვამი მოისმინეს.

მოშე აიალონის გამონათქვამი გაზეთმა „ედით ახრონთმა“ გამოაქვეყნა. თავდაცვის მინისტრის სიტყვებმა სახელმწიფო დეპარტამენტი გაანაწყენა. სახდების პრესსამსახურმა განაცხადა, რომ „მოშე აიალონის სიტყვები შეურაცხყოფელი და ღირსების შემლახავია, მითუმეტეს, მაშინ როცა აშშ ძალღონეს არ იშურებს ისრაელის უშიშროების დასაცავად“

ამ გახმაურებული გამოთქმის გამოძახილად მიიჩნევა ისრაელის პრემიერ-მინისტრის ბინიამინ ნეთანიაჰუს სიტყვა, რომელიც 14 იანვარს ქნესეთის დაარსების 65-ე წლისთავზე წარმოსთქვა და რომელშიც შეეხო აშშ-სა და ებრაული სახელმწიფოს ურთიერთობას.

— თუ დროა დრო ჩვენს შორის კამათი წამოიჭრება, ეს არასოდეს არ არის პირადი ხასიათისა, იგი ყოველთვის არის საქმიანი. ჩვენი ამოცანაა მივალნიოთ მშვიდაბასა და უშიშროებას. ჩვენ არ გვსურს აქ ვიხილოთ ორეროვნული ასხელმწიფო, ჩვენ ველტვით ნამდვილ, ისრაელის სახელმწიფოს აღიარებაზე დაფუძნებულ მშვიდობას.

ქნესეთის საზეიმო სხდომაზე ისრაელის პრეზიდენტი შიმონ პერესიც გამოვიდა. მან თქვა:

— პალესტინაში ორეროვნული სახელმწიფო ემუქრება ჩვენი, როგორც ებრაული და დემოკრატიული სახელმწიფოს არსებობას.

თავდაცვის მინისტრმა მოშე აიალონმა განაცხადა რომ სულაც არ ფიქრობდა კერის შეურაცხყოფაზე და თუ მისი სიტყვები ასე იქნა გაგებული, ბოდიშს იხდის.



დაფუძნებელი და გამომცემელი: გურამ ბათიაშვილი, კოტე აბაშიძე თბილისი, ლეონიძის 11^ბ, ვახტანგ VI ქ. №30 ტელეფონები: 299.90.96, 277.20.57

რეგისტრირებულია ქ. თბილისის ათაფინდის რაიონის სასამართლოს მიერ. რეგისტრაციის № 4/1-921

რედაქტორი გურამ ბათიაშვილი ISSN 1987-8982 UAC 070 411.16 8-557 9771987898003